



Broj: 05-04-20-380-4/23
Maglaj, 21.03.2023. godine

Na osnovu člana 70. Zakona o javnim nabavkama („Službeni glasnik BiH“, br. 39/14 i 59/22), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponuda, broj 05-04-20-380-3/23 od 20.03.2023. godine, u postupku javne nabavke „Nabavka usluga nadzora nad izvođenjem radova“, Općinski načelnik donosi

O D L U K U

o izboru najpovoljnijeg ponuđača

I

Prihvata se preporuka Komisije za javne nabavke i okvirni sporazum za nabavku usluga nadzora nad izvođenjem radova dodjeljuje se ponuđaču **Project Manager „AT&ŠE“ d.o.o. Tešanj**, u skladu sa ponudom broj 03-P/23 od 09.03.2023. godine, po ukupnoj cijeni od **13.333,33 KM bez PDV-a** (ponuđač nije u sistemu PDV-a).

II

Izabrani ponuđač iz tačke I obavezan je ugovornom organu dostaviti original ili ovjerenu kopiju dokaza o ispunjavanju uslova u pogledu sposobnosti obavljanja profesionalne djelatnosti, koji je dostavljen uz ponudu u običnoj kopiji, u roku od pet dana od dana zaprimanja ove odluke.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-380/23 od 27.02.2023. godine, pokrenut je postupak javne nabavke „Nabavka usluga nadzora nad izvođenjem radova“, putem konkurentskog zahtjeva za dostavu ponuda, sa namjerom zaključivanja okvirnog sporazuma sa jednim ponuđačem na period od 15 mjeseci. Predmetna javna nabavka objavljena je na portalu javnih nabavki, obavještenje o nabavci broj 1140-7-2-25-3-5/23 od 27.02.2023. godine. Sažetak obavještenja o nabavci objavljen je u „Službenom glasniku BiH“, broj 14/23. Kriterij za dodjelu ugovora u predmetnom postupku je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukom broj 05-45-1-1069/22 od 19.05.2022. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo

otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da je blagovremeno zaprimljeno devet ponuda, prema redoslijedu zaprimanja kako slijedi:

r/b	Naziv ponuđača	Datum i vrijeme zaprimanja	Cijena bez PDV-a	Cijena sa PDV-om
1.	"Ibis" d.o.o. Zavidovići	07.03.2023. 09,17h	29.059,83	34.000,00
2.	"Ipsa institut" d.o.o. Sarajevo	08.03.2023. 11,52h	43.760,68	51.200,00
3.	Institut za građevinarstvo "IG" d.o.o. Banja Luka	09.03.2023. 08,24h	37.948,72	44.400,00
4.	"AIK-inženjering" d.o.o. Banovići	09.03.2023. 08,24h	33.846,15	39.599,99
5.	Centar za projektovanje i konsalting "CPK" d.o.o. Banja Luka	09.03.2023. 08,24h	24.957,26	29.200,00
6.	"FM Inženjering" d.o.o. Sarajevo	09.03.2023. 08,24h	21.880,34	25.600,00
7.	"Inpros" d.o.o. Mostar	09.03.2023. 09,45h	33.504,27	39.200,00
8.	"Encos" d.o.o. Sarajevo	09.03.2023. 09,45h	33.162,39	38.799,99
9.	Project Manager "AT&SE" d.o.o. Tešanj	10.03.2023. 08.47h	13.333,33	13.333,33*

*Ponuđač nije u sistemu PDV-a.

Neblagovremenih ponuda nije bilo.

Sve zaprimljene ponude su prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom.

Komisija je potom, na zatvorenoj sjednici, izvršila pregled i ocjenu ponuda, te je utvrdila da sve ponude ispunjavaju zahtjeve u pogledu forme, ponudene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom, zbog čega ih je ocijenila prihvatljivim.

Analizirajući ponudene cijene, Komisija je utvrdila da je ponuda ponuđača Project Manager „AT&SE“ d.o.o. Tešanj neprirodno niska, budući da je za više od 50% niža od prosječne cijene preostalih prihvatljivih ponuda, te da je za više od 20% niža od cijene drugorangirane prihvatljive ponude, te je od imenovanog ponuđača zatraženo obrazloženje ponudene cijene, u skladu sa odredbama člana 66. Zakona o javnim nabavkama, člana 17. stav (7) Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15), te člana 23. stav (5) Pravilnika o javnim nabavkama u Općini Maglaj („Službene novine Općine Maglaj, broj 13/22). Ponuđač je blagovremeno, dana 17.03.2023. godine, dostavio obrazloženje ponudene cijene, u kojem navodi da se radi o intelektualnim uslugama koje je teško kvantificirati, u smislu da nema značajnih materijalnih i operativnih troškova, utroška materijala i radne snage i sl., koji bi se mogli objektivno vrednovati i skalirati po

cijeni, određujući konačnu tržišnu vrijednost usluga. Formiranje cijena je individualno i nije uslovljeno vanjskim faktorima, upravo zbog prirode usluga. U nastavku obrazlaže da je ponudena cijena formirana na osnovu nekoliko parametara. Kao prvo, navodi visinu pretpostavljenih troškova koje bi ponuđač imao u realizaciji okvirnog sporazuma. Navodi da su materijalni troškovi za realizaciju niski, budući da se sjedište ponuđača nalazi u neposrednoj blizini Općine Maglaj, te da stručni uposlenici, radi izvršavanja radnih zadataka i drugih ranije preuzetih poslova, svakodnevno borave u općini Maglaj, na različitim lokacijama, iz kojeg razloga ponuđač ne bi imao dodatne troškove koji se tiču putovanja ukoliko bi bio angažovan na predmetnom okvirnom sporazumu. Kao drugo, navodi da je prilikom formiranja ponude izvršen uvid u ranije postupke za usluge nadzora koje je nabavljala Općina Maglaj, na portalu javnih nabavki i internetskoj stranici Općine Maglaj, te je cijena, odnosno procenat, utvrđen imajući u vidu ponudene procenatne izabranih ponuđača prethodnih godina (0,64% i 0,50%). Kao treće, ponuđač navodi da se radi o mladoj firmi koja po prvi put samostalno učestvuje u postupcima nabavki, te im je jako važno, kroz uredno izvršenje ugovora, pribaviti reference koje bi mogli koristiti u budućim postupcima javnih nabavki. Iz navedenih razloga su ponudili cijenu sa minimalnim procentom vlastite zarade. Naposlijetku garantuju da će usluge biti izvršene stručno, kvalitetno i blagovremeno, a u suprotnom ugovorni organ može raskinuti okvirni sporazum/ugovor, a ponuđač će trpiti sve posljedice koje iz toga proizilaze.

Komisija je prihvatila predmetno obrazloženje ponudene cijene, kako je detaljno navedeno u zapisniku o pregledu i ocjeni ponuda, slijedom čega je ponuda ponuđača Project Manager „AT&ŠE“ d.o.o. Tešanj ocijenjena prihvatljivom. Ovo postupanje Komisije ugovorni organ cijeni osnovanim i ispravnim.

U predmetnom postupku e-aukcija nije provedena, u skladu sa odredbom člana 2. Pravilnika o uslovima i načinu korištenja e-aukcije (“Službeni glasnik BiH”, broj 66/16), tako da je konačna rang-lista, prema kriteriju za izbor ponude, sljedeća:

r/b	Naziv ponuđača	Cijena / KM bez PDV-a	Cijena / KM sa PDV-om
1.	Project Manager “AT&ŠE” d.o.o. Tešanj	13.333,33	13.333,33*
2.	“FM Inženjering” d.o.o. Sarajevo	21.880,34	25.600,00
3.	Centar za projektovanje i konsalting “CPK” d.o.o. Banja Luka	24.957,26	29.200,00
4.	“Ibis” d.o.o. Zavidovići	29.059,83	34.000,00
5.	“Encos” d.o.o. Sarajevo	33.162,39	38.799,99
6.	“Inpros” d.o.o. Mostar	33.504,27	39.200,00
7.	“AIK-inženjering” d.o.o. Banovići	33.846,15	39.599,99
8.	Institut za građevinarstvo “IG” d.o.o. Banja Luka	37.948,72	44.400,00
9.	“Ipsa institut” d.o.o. Sarajevo	43.760,68	51.200,00

*Ponuđač nije u sistemu PDV-a.

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da okvirni sporazum za nabavku usluga nadzora nad izvođenjem radova dodijeli ponuđaču Project Manager "AT&ŠE" d.o.o. Tešanj. Preporuka je, zajedno sa izvještajem o radu Komisije, dostavljena rukovodiocu ugovornog organa 20.03.2023. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od pet dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK
Mirsad Mahmutagić